

si oferse armarla, e meterà suso assa' schiopetieri. Ma poi non fo armata, come dirò di soto.

È da saper, le tanxe à scosso fin qui duchati 30 milia; le decime ducati 10 milia, e tutti è stati spexi.

Da poi disnar, fo Pregadi. Fo leto assa' lettere, et poi fo balotato el scurtinio e tolto per il vescovo di Verona da esser nominato al papa, et rimase il reverendissimo cardinal Corner. Niun parlò, come altre volte fu fato, *maxime* nel vescoa' di Cremona dove rimase l' abate di Borgognoni qual è intrigato, e si non fusse rimaso, è da ereder saria rimasto ozi, *quam* per haver bona fama, poi il Consejo mal volentieri dà vescoadi in comenda. Or questo cardinal Corner ch' è rimaso, à anni 22, et è abate di San Zen di Verona, il qual scurtinio sarà qui avanti posto.

Fu posto per li savj ai ordeni come, hessendo partito di Cataro Zanon da Colorno, qual era capitano di quelle fantarie, che Andrea Schiaveto contestabile nostro in Istria sia mandato a quella custodia, qual fazi 100 fanti. *Etiam* il Colegio habi libertà di elezer uno altro contestabile con 100 fanti, quali subito siano mandati a Cataro a custodia di quella terra. Ave 4 di no, e 'l resto di la parte, et fu presa.

Nominati episcopo di Verona

Rev. Don Nicolò Lipomano, prothonotario qu. sier Thoma	54
Rev. Don Andrea Mozenigo, prothonotario et abate di Coniol, qu. sier Thoma	74
Reverendissimo cardinal Corner di Santa Maria in Portico	111.88
Rev. Don Giacomo da cha da Pexaro episcopo di Bafo, fo legato e comisario apostolico su l' armada	87
Rev. Don Hironimo Barbarigo primocierio di San Marco	50
Rev. Don Zacaria Trivixan, prothonotario, di sier Zuane	34
Rev. Don Marco Lando, dotor prothonotario, fo di sier Vidal dotor et cavalier	31
Rev. Don Lorenzo Gabriel, episcopo di Bergamo	70
Rev. Don Antonio Pizamano, dotor prothonotario, di sier Marco	
Rev. Don Lunardo Contarini, dotor <i>olim</i> vicario di lo episcopo di Padoa, <i>alias</i> vicario Vicentino	95
Rev. Don Mareo Antoniò Foscarini, episcopo di Citanuova, di sier Bernardo	38
Rev. Don Luca Viaro, canonico di Padoa, qu. sier Zorzi	31

Rev. Don Alvixe Diedo, abate di Vidor, qu. sier Francesco	
Rev. Don Cristoforo Marcelo, prothonotario, paroco di Santa Croxe di Padoa, qu. sier Antonio, qu. sier Jacomo	43
Rev. Don Hironimo Zustignam, prothonotario, qu. sier Unfrè	59
Rev. Don Francesco Marcelo, episcopo di Trau, qu. sier Filippo	40

A di 18 april, da poi disnar, fu gran Consejo e fo butà a pagar i sestieri di la paga 1473 de et vene primo Canarejo, e questa fo la prima volta poi la parte dil Consejo di X di eavar un sestier a la volta. *Item*, fu fato avogador di comun sier Zorzi Loredan era di Pregadi, qu. sier Francesco, e rimase da sier Zorzi Emo savio a terra ferma qu. sier Zuan el cavalier, che vene per scurtinio.

A di 19 april, hessendo stà assa' zorni che la Signoria non era venuta a incantar le galie di Fiandra, ni altro don li fo dato, ma inteso si troveria patroni, e cossi fo incantate questa matina in Rialto. Et una tolse sier Filippo Morexini qu. sier Andrea per duchati e le altre 2 non trovò patron, e questo perchè li altri non lo voleano per compagno, sichè l' incanto andò zoso.

Dil zeneral, date a Corfù, a dì 30. Con alcuni avisi, ma cosse vechie, et la sententia fece contra sier Zuan Morexini soracomito qu. sier Orsato a di 13 marzo in Corfù, qual per viltade non dette soccorso a la galia sibiriana presa da cinque fuste di Turchi in porto de Zia, e fuzite con la galia di Veja, *videlicet* che 'l sia in perpetuo bandito di Venexia e dil dogado, e si 'l vien el sia preso e li sia tajà la testa fra le colone de San Marco. *Item*, el soracomito di Veja, sia *perpetue* bandito di Veja con taja di star un anno in prexon serado, e *iterum* torni al bando *et hoc toties quoties*. *Item*, il sopracomito di Sibirico, *licet* la so galia fusse presa, ma fo per mal governo, sia bandito per anni 5 di Sibirico, con taja star mexi 6 in prexon si 'l rompe, *et hoc totiescumque*, e principii il bando quando sarà presi. 9

Da poi disnar, fo Consejo di X, et fu assolto sier Piero Bragadin qu. sier Andrea, qual fo bandizato 10 anni di Consejo per dir vilania a sier Nicolò Zorzi era a le Raxon nuove. Et sier Vicenzo Barbaro qu. sier Jacomo *etiam* condanato tanto per dir vilania a un scrivàn, manchò una balota, perchè vuol tutte 17 balote.

Item, fu preso parte di mandar uno synico a Otranto a inquerir la verità di sier Fantin Malpiero